

耒陽縣志

卷一



耒陽縣志

炎繼十卷歲次乙酉
三才耒陽縣志局開雕

續修未陽縣志叙

昔成周命職方氏掌列邦之紀載其後太史公著八書而班孟堅復廣之爲十志方志之設實始於此所以紀一邑之事蹟脩觀省而資考證也未邑爲東南名區山連衡嶽水接蒸湘磅礴鬱積代有傳人前代如羅琳琅之文章胡侍御之剛直谷九貞以功業著謝一齋以諫諍聞學問勲名卓卓寰區莫不輝煌邑乘焜燿史冊後之人披覽舊志未嘗不低回往復而想見其盛迄今時移事異距張公篠山及常公譽堂修纂之日已越數十餘年其間風俗之純薄人才之盛衰賦役之重輕戶口之增損徃徃有數年一

未陽縣志

卷首

宋叙

變數十年一變者而况忠臣孝子之輩出節婦烈女之叠起山谷率多潛德窮簷不乏幽光及今不續後將安考未志之修倡始於前邑侯李公蓉江而蔣公晉階繼之曾公播之又繼之均以歷任未久弗克蕝事及癸未春邑侯於公桐軒題補斯邑侯爲江左名宿下車之始卽索取邑志謂夫邑之有志猶國之有史志與史指歸各異而崇實去浮據事直書則同其亟宜補輯也明矣未志續修未竟不惟守土者無所取徵邑人士亦何所考鏡爰與司訓劉公祝庭約集士紳詳加採錄協力讐校並屬煦兼董其事不必踵事增華以矜博雅而斯地之美勝自愈樸而愈文

焉由是覽循良則悟觀感之由稽學校則識教化之本觀物產則知財用之足辨淑慝則見彰瘡之宜是志之所係於政教者豈淺鮮哉夫莫爲之前雖美弗章莫爲之後雖盛弗傳邑乘卒業非李公無以開其先非於侯無以善其後本年春於侯解任木已鐫梨書未成帙適邑侯周公馨之捧檄來未公以西蜀之通儒作南邦之循吏蒞任數月卽飭邑紳措資刷印裝潢成集蔚然可觀他日者輶軒下採諮文考獻煦知其信而有徵者皆我侯作興鼓舞之力也是爲序

光緒丙戌十二年仲冬月同知銜庚子科舉人前江西建

未陽縣志

卷首

宋叙

二

昌縣知縣未陽學教諭曉城宋世煦撰

舊序

進士陝西布政司右參政前
兵科右給事中侍經筵官 峒巖祝 詠衡陽

壬子夏未志成馬侯命庠生胡子次卿李子垣馬子
承錫陳子雲翺上請於白石蔡大公祖允序諸首以
予昔主試于蜀曾相待請次序之予弗獲辭乃曰志
也者爲考政論教而計也古者有列國之史九邱之
籍四方之志逮東漢撰風俗而郡邑之制作蓋兼地
理人物制度之類而史法畢具未舊有志宏治中又
嘗修之條理紊焉散失漸焉亂而弗紀遺而弗詳侯
蒞政謀諸長教王君世卿司訓張君桂曾君文瑞偕

未陽縣志

卷首

祝序

諸生相與提綱挈領刪繁剔僞本之史記規模立焉
參之諸史缺略增焉審之眾論是非決焉事主于畢
載以立考案行主于核實不爲虛文詞主于近淺使
人易曉凡此又兼取石亭胡公之遺紀而僚貳楊君
時恩咸贊成之于是略者覈陋者雅蕪者理舛者正
廢者續可以勸可以懲則是志也其治化之具乎是
故輿地明而民知方矣建設明而民不困矣官制明
而典禮興矣食貨明而度用節矣人物明而法戒昭
矣選舉明而賢實矣藝文明而國華矣雜志明而遺
備矣附錄明而善勸矣卽夫志而其政可知也卽夫

爲志而其心可知也侯以明經困場屋予時恨未甄
收遂以選貢歷今官兢業自持清苦自勵故知有今
日也故爲之序也不然我石翁旣言之烏庸喙侯名
宣字仁甫別號字川噫後之尹茲土者尙當有考于
斯是爲序

嘉靖壬子孟夏月

舊序

蔡汝南

汝南典郡雅尚郡之圖史每屬州縣圖上都里坊巷
城池宮室水泉山谷人物大略語云廣谷大川異制
人生其間異俗辯同異以制政事庶有益於理亂之
數無何耒陽馬令宣上其籍閱之如築城改糧皆鉅
政鄉賢謝御史以諫聞於天下乃大體籍不具載令
改爲之又經年以所改本上庶幾備矣嗚呼思制法
而無文獻以觀地之宜是却車而求行也備文獻而
無取裁以用之於民是飾車而弗庸也飾焉而庸之
以舊令之政行且貽於新令可以不改往轍而一邑

耒陽縣志

卷首

蔡序

三

大治昔孔子嘆文獻之無徵謂方冊之政舉之在人
且許合尹于文之忠志成自今徵之舉之又自今貽
之後人吾將與令共圖之矣

嘉靖三十一年歲次壬子四月二十七日

舊序

明教諭郭衛楚

粵稽古列國皆有史官卽今郡邑志云未邑志字川馬侯執修纂之役時世廟之三十二年壬子也綱凡有九目凡六十有一亦足以徵一統文獻迄今二紀有奇殘缺者半之司牧遞更鮮加修葺者歲癸未秋會婁侯下車索志繙閱嘆曰周禮職方氏掌天下之圖小史掌郡國之志而志又史之需者未志殘缺非有司一大欠事耶越甲申春銳然以修葺自屬捐俸繡梓成全書焉茲獲追殘缺亡論已知訂所失次者增所未載者較前刻尤詳且悉昔人謂事如有待洵

未陽縣志

卷首

郭序

四

然哉夫馬侯編之於三十載前婁侯葺之於三十載後盛傳美彰厥功固偉然並軌矣或曰婁公蒞未土方數月善政之布爲章程者種種此曷以盡之予曰修志一事業觀其概矣往者邑大夫視此爲鏡吏治樹官庸者所不急而我侯獨加之意直修葺之哉馴若民情揆若民俗固善政所由也若夫政通人和俗易風移埒古循良芳躅俟觀風者採而最焉且志有別傳例在也

萬曆甲申孟冬月

舊序

明知縣朱學忠

耒邑古鳳雛治地也峙鹿岐枕馬阜聯衡嶽七十二峰而湖江映帶派衍湘流昔人謂以靈致杰宜有魁奇鼎秀文章節義之士出乎其間余初奉簡書蒞茲土討邑乘而緡閣之則自洪武以來其民篤厚科第不乏士大夫之有行業者亦復不少有舜之遺風志其券也然遡纂修之年實始世廟之壬子歲語云三十年爲一世今不啻倍之卽嗣修馬筆者不無鳳翁而今且有年此中之缺宜補略宜詳訛宜訂者未易更僕大率官茲土者事可更當身而謝有待宜無俟

耒陽縣志

卷首

朱序

今茲也其必俟今日者勢也維帝實不我虞頰瘃以早且土性從不耐陽比歲來間田間桔槔聲達旦柯葉萎而田疇龜云如何里迄今年江濤嚙城比屋半如蛟室慮轉其魚竊意可脫煖焚之苦迨盛夏而霖霖猶然若靳夫陽侯旱魃一之爲甚乃今并起而毒我民噫嘻此方苦惱不堪言矣余自分鞫疚不遑朝握髮而夕已稿何暇領修葺事已念昔在春秋雖游旌接轂矢揚刃飛之下不廢文辭今耒卽重困猶幸得耕者不變我民之立當稿者幸不就稿年來逋負勉貢不頑梗白甘而下董帷者披不停吟不絕似又

未可口實天災坐令兩公後不覩邑乘全書爰有好
我之義乃乞言於諸鄉紳幸醒愚周先生史具宏才
也時以讀禮家居不愛子長筆欣然以修葺任閱數
月而脫稿示余不佞始得展讀厥目若干爲卷若干
大都其文質其事核其訂亥豕辨魯魚特詳而褒激
鍼懲間存南史之意已讀至田賦重輕南北轉運處
覺愀然者久之掩卷咨嗟恨不貢鄭監門之繪圖幾
不禁賈長沙之痛哭意先生固嘗憂民之憂而亦心
余之心者乎獨念余實不德禍延茲土卽勉自奮螂
臂殫詭技不愛髮膚尙未能強起蔬色猶幸藉諸鄉

未陽縣志

卷首

朱序

二

縉教力可不至重負斯民何敢冀一字之褒然竟厚
藉董狐筆行令民風士氣用激而轉而從茲魁奇鼎
秀者英英有聲則先生實有大造於余也因就公餘
漫題之以志不朽

萬曆四十四年季冬月

舊序

知未陽
縣事 張應星

星不敏乏宏通博雅之材寡卓犖英奇之識鹿鹿半
生漫無表著曩承

聖天子拔置

內廷參養七載歲戊子撤棘後

命宰未陽修己治人時深覆餗今已八年於茲矣顧風俗
未變政化未行方日求治之不暇而敢披殘編稽軼
事妄擬夫史氏之學而孳孳於邑乘之闕失廢寢忘
餐務備且該非惟無補於一邑也且無以爲邑乘光
星滋愧矣雖然莫謂邑乘之無關於政治也邑之中

未陽縣志

卷首

張序

仰觀俯察倏廢倏興旌淑別慝或詳或略洩英華抉
奧窔有美弗彰者莫爲之前也有盛弗傳者莫爲之
後也志之修輯可稍緩乎用是集吾未之斷簡彷彿
邑之成規漏則補逸則增俚則潤謬則正自壬辰夏
至丙申春其間或以事阻或以攝篆他出阻合而計
之實竭三載之精神而脫稿大略得諸紳士操末議
則星一人固知庸材陋識語悉芻蕘無裨政治有愧
大方一片苦心不忘吾未或者見諒於後之君子云
康熙五十五年歲次丙申春二月下澣

舊序

湖南等處承宣布政使司布政使加三級阿琳

帝王撫有天下仰觀俯察遠稽近取凡可以昭德遠
害興行全用者雖山陬海澨飲血茹毛之地無不周
覽畢集以備徵考況在方域之內聲教暨訖而不爲
之備載其何以昭文獻而垂經制哉故夫山川雲物
郊社廟堂大而禮樂刑政細而昆蟲草木里巷歌謠
曲節細行雖彈丸蕞爾亦必有可觀者職斯土而久
居其地使前乎無傳後乎無考可乎是志之亟宜修
葺也我

皇上御極之二十九年詔詞臣修一統志漸次告成懋著

耒陽縣志

卷首

阿序

一道同風之盛己丑夏張令自

內廷出宰耒陽久已心焉志之及下車案多塵牘民多夙
逋市鮮環堵野矜僇悍蓋兵燹之餘積陋成習戛戛
然其難治也余奉

聖天子簡書屏藩三湘日與羣吏講求道一風同之治留
心方物嘗考耒爲漢縣其間山川蜿蜒人文彬郁唐
宋以來班班可數自明季而後體制無存文行衰息
豈盡民之過歟抑亦司土者之未盡心耳張令用是
戚然靡甯求盡其職遂以邑志爲己任然事類旣繁
蒐輯匪易訪耆舊採紀載案牘之暇極力讐校釐正

體式昭義例以明去取揭原委以詳本末舉凡土田之荒闢疆域之險夷戶口之繁寡風俗之貞淫以及災祥之何以弭致緩急之何以調劑分氏族之甲乙別人物之否臧或革或因或損或益昔詳今略昔略今詳務期一日之擘劃周密令千百年之風土民物燦然畢現是則張令之心也歟若夫睠茲巖疆期登衽席固冀當事之涵濡實望司土之黽勉俾已然者率由無愆當然者區處有法將見教化日興風俗日厚神無淫祀民無忒行山澤效靈休祥洊至仰贊一道同風之化以無忝厥職是所望於張令也是則予

耒陽縣志

卷首

阿序

二

之所參耒議也張令勉旃

康熙五十五年春三月

舊序

巡撫提督軍務兼理糧餉都察院右副都御史王之樞

郡國之有志其源始於禹貢具載山川田賦物產周禮小史掌邦國之志見於職方氏者甚備迨司馬氏作天官禮樂諸書班氏又作八志其文加詳焉今志家體例皆倣此所以紀聲教備典故其不可廢也明矣我

國家幅幘最廣早

命儒臣修一統志而各省郡邑咸輯志書蓋一統志總大綱職其要由是而省而郡而邑惟邑志爲最宜詳良以邑人言邑事利病易悉見聞易真所謂紀聲教備

未陽縣志

卷首

王序

典故者莫切於此乃數十年來多因仍其舊而新修者殊尠豈非一行作吏心力殫於簿書錢穀而視此爲不急之務歟余奉

簡命撫楚南未陽張令首以其所輯新志請正未陽接壤粵徭賦役煩重自張令畱心民瘼廢者待興墜者待舉以其餘力從事邑乘掇拾殘闕蒐採放佚凡例森然各有論斷於邑之盛衰得失之故三致意焉可謂知所務矣夫邑乘之患遑遑前失之略而後失之詳略者每苦於無徵詳者易至於瞻徇然而言之不文則亦不足以信今而傳後也今觀於茲志其體備其

事核其言簡質而不俚於以紀聲教備典故夫豈易
得哉雖然良醫之視病也既洞悉其根源則當爲之
治其標本張令久任斯土其於盛衰得失之故固已
知之深念之熟由是梳而剔之拊而噢之澆可滄瘠
可腴實於張令有厚望焉矣
康熙六十年歲次辛丑三月

耒陽縣志

卷首

王序

二

舊序

知未陽縣事加一級紀錄一次拙存徐德泰

蓋圖志乘之載自古有之惟期後之君子能昭文獻而紀聲教以爲治平之龜鑑而已粵自夏后氏任土作貢而山川田賦物產均登之天府厥後九邱有書列邦有史周禮職方氏所掌犁然可考暨漢代班馬諸人亦宗其意而衍其義擇焉而精語焉而詳皆欲令後之覽者可爲易俗移風之具則郡邑之志其所補豈淺鮮哉我

聖朝版章最廣幅幘靡旣雖遐陬僻壤無不

德洋恩溥晏然孔固且

未陽縣志

卷首

徐序

睿藻日新嘗

命儒臣纂修輿圖垂之奕禩各採方聞陳之柱下

先大父司寇公會奉

簡命纂修一統志告竣屢蒙

聖祖仁皇帝

御書寵錫

覃恩褒獎至今感激泰愧不文碌碌無所表見昨春謹奉簡書承乏茲未矢志飲冰歉焉滋惕惟以上報

國恩下答民望爲兢兢乃下車以來案多塵牘民多凋敝

極仰體

各憲嘉惠元元至意思欲有以噢咻而樂利之奈典型未諳規模難就於是思搜覽舊聞庶知昔之操刀而割者製錦若何烹鮮若何或有所取衷以爲吏治師孰意有先得我心者前此張公篠山業爲之修明而編輯也夫耒雖僻邑然鹿岐峙其南馬阜枕其北峰聯衡嶽派衍湘流上通百粵之奧突下接九江之孔殷遠而九真日南未必不獻琛而錯趾近而寶與猺獞安在不稽顙而納款此亦南服之要都會也其中豈無得失利病可以化裁而變通者乃余得是書理煩之暇再細加校正其間言以類從目因綱舉甯

耒陽縣志

卷首

徐序

二

采秋實毋擷春華祗覺略者詳陋者雅缺者補舛者正則一書陳於前凡古今之得失治亂之條貫靡不一一瞭然於心目中矣豈非先型之可愛者哉由是觀賦役則知徵輸之緩急觀學校則知教化之隆替觀風俗則知貞淫之美刺且多士奮於野武備整於疆則知光賓興而捍牧圉名賢之風著壺德之微彰則知仰懿行而欽節烈以至休徵之降佛氏之斥則知格天神而閑先聖凡所以宜民而善俗者莫不具焉則所以優游而圖治者其在是歟庶從此而漸以理焉或利可興弊可去夙夜寅畏冀上報